

摘藻堂四庫全書薈要

集部

欽定四庫全書
藝文四庫全書
詩部
卷一萬七千六百七
集部

御定全唐詩卷二百二

沈宇

沈宇太子洗馬詩三首

武陽送別

菊黃蘆白雁初飛
羌笛胡笳淚滿衣
送君腸斷秋江水
一去東流何日歸

擣衣

日暮遠天青
霜風入後庭
洞房寒未掩
砧杵夜泠泠

代閨人

楊柳青青鳥亂吟
春風

一作花

香靄洞房深
百花簾下朝

窺鏡明月窻前夜
理琴

張鼎

張鼎司勳員外郎詩三首

江南遇雨

江天寒意少
冬月雨仍飛
出戶愁為聽
從風灑客衣
旅

魂驚處斷鄉信意中微幾日應晴去孤舟且欲歸

鄴城引

君不見漢家失統三靈變魏武爭雄六龍戰湯海吞江
制中國迴天運斗應南面隱隱都城紫陌開迢迢分野
黃星見流年不駐漳河水明月俄終鄴國

一作城

宴文章

猶入管絃新帷座空銷狐兔塵可惜望陵歌舞處松風
四面暮愁人

僧舍小池

引出白雲根潺潺漲漲蘚痕冷光搖砌錫疎影露枝猿淨
帶凋霜葉香通洗藥源貝多文字古宜向此中翻

薛竒童

一作章

薛竒童大理司直詩七首

擬古

沙塵朝蔽日失道還相遇寒影波上雲秋聲月前樹川
氣生曉夕野陰乍煙霧沈沈瀨池水人馬不敢渡吮癰
世所薄挾纊恩難顧不見古時人中宵淚橫注

和李起居秋夜之作

過庭聞禮日趨侍記言回獨卧玉窻前卷簾殘雨來高
秋南斗轉涼夜北堂開水影入朱戶螢光生綠苔簡成
良史筆年是洛陽才莫重白雲意時人許上台

吳聲子夜歌

一作崔國輔
詩題云古意

淨掃黃金塔飛霜皓

一作皎

如雪下簾彈箏候不忍見秋

月

塞下曲

驕虜初南下煙塵暗國中獨召李將軍夜開甘泉宮一
身許明主萬里總元戎霜甲卧不暖夜半聞邊風胡天
早飛雪荒徼多轉蓬寒雲覆水重秋氣連海空金鞍誰
家子上馬鳴角弓自是幽并客非論愛立功

雲中行

雲中小兒吹金管向晚因風一川滿塞北雲高心已悲
城南木落腸堪斷憶昔魏家都此方涼風觀前朝百王
千門曉映山川色雙闕遙連日月光舉杯稱壽永相保

日夕歌鐘徹清昊將軍汗馬百戰場天子射獸五原草
寂寞金輿去不歸陵上黃塵滿路飛河邊不語傷流水
川上含情歎落暉此時獨立無所見日暮寒風吹客衣

楚宮詞

一作怨詩

二首

禁苑春風起流鶯繞合歡玉窻通日氣珠箔捲輕寒楊
葉垂陰砌梨花入井闌君王好長袖新作舞衣寬

日晚梧桐落微寒入禁垣月懸三雀觀霜度萬秋門豔
舞矜新寵愁容泣舊恩不堪深殿裏簾外欲黃昏

楊諫

楊諫永樂丞詩二首

長孫十一東山春夜見贈

故人謝城闕揮手碧雲期
谿月照隱處松風生興時
舊林日云暮芳草歲空滋
甘與子成夢請君同所思

贈知己

江南折芳草江北贈佳期
江濶水復急過江常苦遲
蘋白蘭葉青恐度馨香時
美人碧雲外寧見長相思

張萬頃

張萬頃開寶間進士詩三首

東溪待蘇戶曹不至

洛陽城東伊水西
千花萬竹使人迷
臺上柳枝臨岸低
門前荷葉與橋齊
日暮待君君不見
長風吹雨過青溪

登天目山下作

去歲離秦望
今冬使楚關
淚添天目水
髮變海頭山
別母烏南逝
辭兄雁北還
宦遊偏不樂
長為憶慈顏

送裴少府

夕膳望

一作思

東周晨裝不少留酒中同樂事關外越離

憂座濕秦山雨庭寒渭水秋何當鷹隼擊來拂故林游

沈頌

沈頌無錫尉詩六首

旅次灞亭

閑琴開旅思清夜有愁心圓月正當戶微風猶在林蒼
茫孤亭上歷亂多秋音言念待明發東山幽意深

春旦歌

常聞羸女玉簫臺奏曲情深彩鳳來欲登此地銷歸恨
却羨雙飛去不回

早發西山

游子空有懷賞心杳無路前程數千里乘夜連輕馭繚
繞松篠中蒼茫猶未曙遙聞孤村犬暗指人家去疲馬
懷澗泉征衣犯霜露喧呼谿鳥驚沙上或騫翥娟娟東
岑月照耀獨歸慮

送人還吳

人心不忘鄉矧余客已久送君江南去秋醉洛陽酒贈
言幽徑蘭別思河堤柳征帆暮風急望望空延首

送金文學還日東

君家東海東君去因秋風漫漫指鄉路悠悠如夢中煙
霧積孤島波濤連太空冒險當不懼皇恩措爾躬

衛中作

衛風愉豔宜春色淇水清泠增暮愁總使榴花能一醉

終須萱草暫忘憂

梁鎰

梁鎰官執戟天寶中人詩十五首

天長節

日月生天久年年慶一迴時平祥不去壽遠節長來連
吹千家笛同朝百郡杯願持金殿鏡處處照遺才

長門怨

妾命何偏薄君王去不歸欲令遙見悔樓上試春衣空

殿看人入深宮羨鳥飛翻悲因買賦索鏡照空輝

美人春卧

一作怨

妾家巫峽陽羅幌

一作帳

寢蘭堂

一作銀牀

曉日臨窻久春風

引夢長落釵仍挂

一作猶冒

鬢微汗欲消黃縱使朦朧覺魂

猶逐楚王

名姝詠

阿嬌年未多弱體性能和怕重愁拈鏡憐輕喜曳羅臨
津雙洛浦對月雨嫦娥獨有荆王殿時時暮雨過

豔女詞

露井桃花發雙雙燕並飛美人姿態裏春色上羅衣自
愛頻開鏡時羞欲掩扉不知行路客遙惹五香歸

狷氏子

杏梁初照日碧玉後堂開憶事臨妝笑春嬌滿鏡臺含
聲歌扇舉顧影舞腰迴別有佳期處青樓客夜來

戲贈歌者

白晳歌童子哀音絕又連楚妃臨扇學盧女隔簾傳曉

燕喧喉裏春鶯轉舌邊若逢漢武帝還是李延年

七夕汎舟

雲端有靈匹掩映拂妝臺夜久應搖珮天高響不來片
歡秋始展殘夢曉翻催却怨填河鵲留橋又不一作迴

崔駙馬宅詠畫山水扇

畫扇出秦樓誰家贈列侯小含吳剡縣輕帶楚揚州
拈作山雲暮搖成隴樹秋坐來傳與客漢水又迴流

觀王美人海圖障子

宋玉東家女常懷物外多自從圖渤海誰為覓湘娥白
鷺栖脂粉頰魴躍綺羅仍憐轉嬌眼別恨一橫波

聞百舌鳥

百舌聞他郡間闕媚物華斂形藏一葉分響出千花坐
愛時褰幌行藏或駐車不須應獨感三載已辭家

省試方士進恒春草

東吳有靈草生彼剡谿傍既亂莓苔色仍連菡萏香掇
之稱遠士持以奉明王北闕顏彌駐南山壽更長金膏

徒騁妙石髓莫矜良倘使霑涓滴還游不死方

代征人妻喜夫還

征夫走馬發漁陽少婦含嬌開洞房
千日廢臺還挂鏡數年塵面再新妝
春風喜出今朝戶明月虛眠昨夜牀
莫道幽閨書信隔還衣總是舊時香

贈李中華

莫向嵩山去神仙多誤人不如朝魏闕
天子重賢臣

詠木老人

一作傀儡吟一作詠虛磊子人明
皇雜錄云李輔國僑制遷明皇西宮

戚戚不樂日一蔬食嘗
詠此詩或云明皇所作

刻木牽絲作老翁
鵝皮鶴髮與真同
須臾弄罷寂無事
還似人生一夢中

句

堂高憑上望
宅廣乘車行

咏郭令公宅見
封氏見聞錄

御定全唐詩卷二百二

欽定四庫全書
御定全唐詩卷二百三
集部

御定全唐詩卷二百三

杜儼

杜儼新安丞詩一首

客中作

書劍催人不暫閒
洛陽羈旅復秦關
容顏歲歲愁邊改
鄉國時時夢裏還

趙良器

趙良器兵部員外詩二首

三月三日曲江侍宴

聖祖發神謀靈符叶帝求一人光錫命萬國荷時休雷
解園丘畢雲需曲水遊岸花迎步輦仙仗擁行舟睿藻
天中降恩波海外流小臣同品物陪此樂皇猷

鄭國夫人挽歌詞

淑德延公胄宜家接帝姻桂宮男掌僕蘭殿女昇嬪恩
澤昭前命盈虛變此辰百年今已矣彤管列何人

黃麟

黃麟金部員外郎詩一首

郡中客舍

蟲響亂啾啾
更人正數籌
魂歸洞庭夜
霜卧洛陽秋
微月有時隱
長河到曉流
起來還囑雁
鄉信在吳洲

郭向

郭向太子尉詩一首

途中口號

一作盧僕詩

抱玉三朝楚懷書十上秦年年洛陽陌花鳥弄歸人

郭良

郭良金部員外郎詩二首

題李將軍山亭

鳳轄將軍位龍門司隸家衣冠為隱逸山水作繁華徑
出重林草池搖兩岸花誰知貴公第

一作亭院有煙霞

早行

早行星尚在數里未天明不辨雲林色空聞風水聲月

從山上落河入斗間橫漸至重門外依稀見洛城

王喬

王喬安定太守詩一首

過故人舊宅

故人軒騎罷歸來舊宅

一作國

園林閒不開唯餘挾瑟樓

中婦哭向平生歌舞臺

徐九臯

徐九臯河陰尉詩五首

關山月

玉塞抵長城金微映高關遙心萬餘里直望三邊月霜
靜影逾懸露晞光漸沒思君不可見空歎將焉歇

戰城南

塞北狂胡旅城南敵漢圍嶢嶢一鼓氣拔利一作刺五兵

威虜騎瞻山哭王師拓地飛不應須寵戰當遂勒金微

一作徵

詠史

亡國秦韓代榮身劉項年金槌擊政後玉斗碎增前聖
主稱三傑明離保四賢已申黃石祭方慕赤松仙

途中覽鏡

四海遊長倦百年愁半侵
賴窺明鏡裏時見丈夫心

送部四鎮人往單于別知故

天下今無事雲中獨未寧
忝驅更戍卒方遠送

一作遠邊

庭馬飲長城水軍占太白星
國恩行可報何必守經營

閻寬

閻寬醴泉尉詩五首

松滋江北阻風

江風久未歇山雨復相仍
巨浪天涯起餘寒川上凝
憂人勞夕惕鄉事億晨興
遠聽知音駭誠哉不可陵

曉入宜都渚

問俗周楚甸川行眇江潯
興隨曉光發道會春言深
回眺佳氣象遠懷得山林
佇應舟楫用曷務歸閒心

古意

庭樹發華滋，瑤草復歲蕤。好鳥飛相從，愁人深此時。天
中有靈匹，日夕嘯娥眉。願逐飄風花，千里入遙帷。心逝
愛不見，空歌悲莫悲。

春宵覽月

月生東荒外，天雲收夕陰。愛見澄清景象，吾虛白心耳。
目靜無譁神，超道性深秉。興得至樂寓，言因永吟。

秋懷

下帷長日盡，虛館早涼生。芳草猶未薦，如何蜻蛚鳴。秋

風已振衣客去何時歸為問當途者寧知心有違

李收

一作牧

李收右武衛

一作左威衛

錄事詩二首

和中書侍郎院壁畫雲

粉壁畫雲成如能上太清影從霄漢發光照掖垣明
暎篠多幽趣臨軒得野情獨思作霖雨流潤及生靈

幽情

幽人惜春暮潭上折芳草佳期何時還欲寄千里道

程彌綸

程彌綸開寶間進士詩一首

懷魯

曲阜國尼丘山周公邈難問夫子猶啓闕履風雩兮若
見游夏興兮魯顏天孫天孫何為今兮學且難負星明

而東

一無東字

遊閒閒

屈同仙

一作屈同

屈同仙千牛兵曹詩二首

燕歌行

君不見

一本無此二字

漁陽八月塞草腓
征人相對併思歸
雲

和朔氣連天黑

一作暗

蓬雜驚

一作胡

沙散野飛是時天地

陰埃遍瀚海
龍城皆習

一作血

戰兩軍鼓角暗相聞
四面

旌旗看不見
昭君遠嫁已年多
戎狄無厭不復

一作尚不和

漢兵候月秋防塞
胡騎棄冰夜渡河
河塞東西萬餘里

地與京華不相似
燕支山下

一作上

少春

一作光

暉黃沙磧

裏無流水
金戈玉劍十年征
紅粉青樓多怨情
厭向殊

鄉

一作方

久離別秋來愁聽擣衣聲

烏江女

越豔誰家女朝遊江岸傍青春猶未嫁紅粉舊來娼錦袖盛朱橘銀鈎摘紫房見人羞不語回艇入溪藏

豆盧復

豆盧復前崇玄生詩二首

昌年宮之作

一本無之字

但有離宮處君王每不居旗門芳草合輦路小

一作老

槐

疎殿閉山煙滿窓凝野靄虛豐年多望幸春色待鑾輿
落第歸鄉留別長安主人

客裏愁多不記春聞鶯始歎柳條新年年下第東歸去
羞見長安舊主人

荆冬倩

荆冬倩校書郎詩一首

奉試詠青

路闢天光遠春還月道臨草濃河畔色槐結路邊陰未

映君王史先標胄子襟經明如可拾自有致雲心

梁洽

梁洽開寶間進士詩一首

觀漢水

發源自嶓冢東注經襄陽一道入溟渤別流為滄浪求
思詠游女投弔悲昭王水濱不可問日暮空湯湯

鄭紹

鄭紹武進尉詩一首

遊越溪

溪水碧悠悠猿聲斷客愁
漁潭逢釣楫月浦值孤舟
訪泊隨煙火迷途視斗牛
今宵越鄉意還取醉忘憂

朱斌

朱斌處士詩一首

登樓

一作王
之渙詩

白日依山盡黃河入海流
欲窮千里目更上一重樓

梁德裕

梁德裕四門助教詩二首

感寓二首

彩雲呈瑞質五色發人寰獨作龍虎狀孤飛天地間
隱臨北極峩峩象南山恨在帝鄉外不逢枝葉攀

幽澗生蕙若幽渚老江蘼榮落人不見芳香徒爾為
不
及綠萍草生君紅蓮池左右美人弄朝夕春風吹葉洗
玉泉水珠清湛露滋心亦願如此託君君不知

常非月

常非月西河尉詩一首

詠談容娘

舉手整花鈿翻身舞錦筵馬圍行處西人壓

一作簇

看場

圓歌要

一作索

齊聲和情教細語傳不知心大小容得許

多憐

張良璞

張良璞長安尉詩一首

覽史

享年八十已歷數窮蒼生七虎門源上咆哮關內鳴建
都用鶻宿設險因金城舜曲煙火起汾河珠翠明海雲
引天仗朔雪留邊兵作孽人怨久其亡鬼信盈素靈感
劉季白馬從子嬰昏虐不務德百代無芳聲

孫欣

孫欣開寶間人詩一首

奉試冷井詩

仙闈井初鑿靈液沁

一作忽

成泉色湛青苔裏寒凝紫綆

邊銅瓶向影落玉甃抱虛圓永願調神鼎堯時泰萬年

王羨門

王羨門開寶間人詩一首

都中間居

君王巡海內北闕下明臺雲物天中少煙花歲後來河
從御苑出山向國門開寂寞東京裏空留賈誼才

芮挺章

芮挺章國子進士天寶三年編國秀集集中并載挺章

詩二首

江南弄

春江可憐事最在美人家
鸚鵡能言鳥芙蓉巧笑花
地一作馬銜金作埒水抱玉為沙
薄晚青絲騎長鞭赴狹斜

少年行

任氣稱張放銜恩在少年
玉階朝就日金屋夜升天
軒騎青雲際笙歌綠水邊
建章明月好留醉伴風煙

樓穎

樓穎天寶中進士作國秀集序詩五首

伊水門

朝涉伊水門伊水入門流
愜心乃成興澹然汎孤舟
霏微傍青霄容與隨白鷗
竹陰交前浦柳花媚中洲
日落陰雲生彌覺茲路幽
聊以恣所適此外知何求

東郊納涼憶左威衛李錄事收昆季太原崔叅

軍三首

并序

僕三伏於通化門東北數里避暑之地地即故倅

天官顧公之舊林今貳宰君李公之別業石抵禁
簾斜界沁園空水相輝步虹橋而下視竹木交映
弄仙櫂而傍窺足滌煩襟陶蒸暑獨往成興恨不
與數公共之率然有作因以見意

水竹誰家宅幽庭向苑門今知季倫治舊是辟疆園飢
鷺窺魚靜鳴鴉帶子喧興成祇自適欲白返忘言
納涼每選地近得青門東林與繚垣接池將沁水通枝
交帝女樹橋映美人虹想是忘機者悠悠在興中

林間求適意池上得清飈稍稍斜回櫂時時一度橋水
光壁際動山影浪中搖不見李元禮神仙何處要

西施石

西施昔日浣紗津石上青苔思殺人一去姑蘇不復返
岸旁桃李為誰春

李康成

李康成天寶中與李杜同時其赴使江東劉長卿有詩
送之嘗撰玉臺後集自陳後主隋煬帝江總庾信沈宋

王楊盧駱而下二百九人詩六百七十首彙為十卷自
載其詩八篇今存四首

江南行

楊柳青青鶯欲啼風光搖蕩綠蘋齊金陵城頭日色低
日色低情難極水中鳬鷺雙比翼

文苑英華首有梅花
落好使香車度二句

采蓮曲

采蓮去月沒春江曙翠鈿

一作釵

紅袖水中央青荷蓮子

雜衣香雲起風生歸路長歸路長那得久各迴船兩搖

手

玉華仙子歌

紫陽仙子名玉華珠盤承露餌丹砂轉態凝情五雲裏
嬌顏千歲芙蓉花紫陽綠女矜無數遙見玉華皆掩嫫
高堂初日不成妍洛渚流風徒自憐璇階霓綺閣碧題
霜羅幕仙娥桂樹長自春王母桃花未嘗落上元夫人
賓上清深宮寂歷厭層城解佩空憐鄭交甫吹簫不逐
許飛瓊溶溶紫庭步渺渺瀛臺路蘭陵貴士謝相逢濟

北書生尚迴顧滄洲傲更愛金丹清心迴望雲之端羽
蓋霓裳一相識傳情寫念長無極長無極永相隨攀霄
歷金闕弄影下瑤池夕宿紫府雲母帳朝餐玄圃崑崙
芝不學蘭香中道絕却教青鳥報相思

自君之出矣

樂府作辛
弘智誤

自君之出矣弦吹絕無聲思君如百草撩亂逐春生

句

因緣苟會合萬里猶同鄉運命倘不諧隔壁無津梁

經籍

政云康成編玉臺後集中間自載其詩八首如河陽居
家女長篇一首押五十二韻若欲與木蘭及孔雀東南
飛之作方駕者未
四句云云亦佳

御定全唐詩卷二百三

欽定四庫全書薈要卷一萬七千六百九

集部

御定全唐詩卷二百四

楊賁

楊賁天寶三年登第詩一首

時興

貴人昔未貴咸願顧寒微及自登樞要何曾問布衣
平明登紫閣日晏下彤闈擾擾路傍子無勞歌是非

李清

李清登天寶十二年進士第詩一首

詠石季倫

金谷繁華石季倫
只能謀富不謀身
當時縱與綠珠去
猶有無窮歌舞人

陳季

陳季天寶十五年及第詩二首

鶴警露

南國商飈動東臯
野鶴鳴溪松寒暫
宿露草滴還驚欲

有高飛意空聞名侶情風間傳藻質月下引清聲未假
擣扶勢焉知羽翼輕吾君開太液願得應皇明

湘靈鼓瑟

神女泛瑤瑟古祠嚴野亭楚雲來泱泱湘水助清泠妙
指微幽契繁聲入杳冥一彈新月白數曲暮山青調苦
荆人怨時遙帝子靈遺音如可賞試奏為君聽

王邕

王邕天寶進士詩二首

湘靈鼓瑟

寶瑟和琴韻靈妃應樂章依稀聞促柱髣髴夢新妝波

外聲初發

一作新度

風前曲正長淒清

一作涼

和萬籟斷續繞

三湘轉覺雲山迴空懷杜若芳誰能傳此意雅奏在宮

商

嵩山望幸

峻極位何崇方知造化功降靈逢聖主望幸表維嵩隱
映連青壁嵯峨向碧空象車因叶瑞龍駕願升中萬歲

聲長在千巖氣轉雄東都歌盛事西笑佇皇風

莊若訥

莊若訥天寶進士詩一首

湘靈鼓瑟

帝子鳴金瑟餘聲

一作音

自抑揚悲風絲上斷流水曲中

長出沒遊魚聽逶迤彩鳳翔微音時

一作初

扣徵雅韻乍

含商神理誠難測幽情詎可量至今聞古調應恨滯三

湘

魏瓘

魏瓘天寶進士詩一首

湘靈鼓瑟

瑤瑟多哀怨
朱弦且莫聽
扁舟三楚客
藂竹二妃靈
淅瀝聞餘響
依稀欲辨形
柱間寒水碧
曲裏暮山青
良馬悲銜草
遊魚思繞萍
知音若相遇
終不滯南溟

王顥

王顥永州太守詩一首

懷素上人草書歌

一本作王邕詩
今從統載另編

衡陽雙峽插天峻，青壁巉巖萬餘仞。此中靈秀衆所知，
草書獨有懷素奇。懷素身長五尺四，嚼湯誦咒吁可畏。
銅鉞錫杖倚閒庭，斑管秋毫多逸意。或粉壁或綵牋，蒲
葵絹素何相鮮。忽作風馳如電掣，更點飛花兼散雪。寒
猿飲水撼枯藤，壯士拔山伸勁鐵。君不見張芝昔日稱
獨賢，君不見近日張旭為老顛。二公絕藝人所惜，懷素
傳之得真跡。崢嶸蹀躞出海上，山突兀狀成湖畔石。一縱

又一橫一欵又一傾臨江不羨飛帆勢下筆長為驟雨
聲我牧此州喜相識又見草書多慧力懷素懷素不可
得開卷臨池轉相憶

竇冀

竇冀官御史詩一首

懷素上人草書歌

狂僧揮翰狂且逸獨任天機推格律龍虎慚因點畫生
雷霆却避鋒鏖疾魚牋絹素豈不貴只嫌局促兒童戲

粉壁長廊數十間興來小豁胸

一作心

襟氣長幼集賢豪

至枕糟藉麴猶半醉忽然絕叫三五聲滿壁縱橫千萬

字吳興張老爾莫顛葉縣公孫我何謂如熊如羆不足

比如虺如蛇不足擬涵物為動鬼神泣狂風入林花亂

起殊形怪狀不易說就中驚燥尤枯絕邊風殺氣同慘

烈崩槎卧木爭摧折塞草遙飛大漠霜胡天亂下陰山

雪偏看

一作有

能事轉新奇郡守王公同賦詩枯藤勁鐵

媿三舍驟雨寒猿驚一時此生絕藝人莫測假此常為

護持力連城之壁不可量五百年知草聖當

魯收

魯收大歷時人詩一首

懷素上人草書歌

吾觀文士多利用筆精墨妙誠堪重身上藝能無不通
就中草聖最天縱有時興酣發神機抽毫點一作吮墨縱

橫揮風聲吼烈隨手起龍蛇迸落空壁飛連拂數行勢
不絕藤懸查蹙生奇節劃然放縱驚雲濤或時頓挫縈

毫髮自言轉腕無所拘大笑羲之用陣圖狂來紙盡勢
不盡投筆抗聲連叫呼信知鬼神助此道墨池未盡書
已好行路談君口不容滿堂觀者空絕倒所恨時人多
笑聲唯知賤實一作寶翻貴名觀爾向來三五字顛奇何
謝張先生

朱逵

一作遙

朱逵處士詩一首

懷素上人草書歌

幾年出家通宿命一朝却憶臨池聖轉腕摧鋒增崛崎
秋毫繭紙常相隨衡陽客舍來相訪連飲百杯神轉王
忽聞風裏度飛泉紙落紛紛如跼鵲形容脫略真如助
一作脫落
任真助心思周遊在何處筆下惟看激電流字成只

畏盤龍去怪狀崩騰若轉蓬飛絲歷亂如迴風長松老
死倚雲壁蹙浪相翻驚海鴻于今年少尚如此歷覩一作
觀遠代無倫比妙絕當動鬼神泣崔蔡幽魂更心死


許瑤

許瑤官御史詩一首

題懷素上人草書

志在新奇無定則古瘦離羣半無墨醉來信手兩三行
醒後却書書不得

御定全唐詩卷二百四



總校官庶吉士 臣張能照

校對官檢討 臣王鍾健

謄錄舉人 臣王旭暢

謄錄監生 臣李青標

欽定四庫全書薈要

集部

御定全唐詩卷二百

五至
七

欽定四庫全書蒼要卷一萬七千六百十

集部

御定全唐詩卷二百五

包佶

(雜)

包佶字幼正天寶六年及進士第累官諫議大夫坐善
元載貶嶺南劉晏奏起為汴東兩稅使晏罷以佶充諸

道鹽鐵輕貨錢物使遷刑部侍郎改秘書監封丹陽郡
公詩一卷

祀風師樂章

迎神

太皞御氣句芒肇功蒼龍青旗爰候祥風律以和應神
以感通鼎俎脩饗時惟禮崇

奠幣登歌

旨酒告潔青蘋應候禮陳瑤幣樂獻金奏彈弦自昔解
凍惟舊仰瞻彤甕羣祥來奏

迎俎酌獻

德盛昭臨迎拜翼方爰候發生式薦馨香酌醴具舉工

歌再揚神歌入律恩降百祥

亞獻終獻

管籥備玉帛陳風動物樂感神三獻終百神臻草木榮
天下春

送神

微穆敷華能應節飄揚發彩宜行慶送迎

一作迎送

靈駕神

心饗跪拜靈壇禮容盛氣和草木發萌芽德暢禽魚遂
翔泳永望翠蓋逐流雲自茲率土調春令

祀雨師樂章

迎神

陟降左右誠達幽圓作解之功樂惟有年雲輶戾止灑
霧飄煙惟馨展禮爰列豆籩

奠幣登歌

歲正朱明禮布玄制惟樂能感與神合契陰霧離披靈
馭搖裔膏澤之慶期於稔歲

迎俎酌獻

陽開幽塾躬奉鬱鬯禮備節應震來靈降動植求聲飛
沈允望時康氣茂惟神之貺

亞獻終獻

奠既備獻將終神行令瑞飛空迎乾德祈歲功秉煙燎
儼從風

送神

整駕升車望寥廓垂陰薦祉蕩昏氛饗時靈貺倏如在
樂罷餘聲遙可聞飲福陳誠禮容備撤俎終獻曙光分

跪拜臨壇結空想年年應節候油雲

答竇拾遺卧病見寄

今春扶病移滄海幾度承恩對白花送客屢聞簾

一作簾

外鵲銷愁已辨酒中虵瓶聞枸杞懸泉水鼎鍊芙蓉伏
火砂誤入塵埃牽吏役羞將簿領到君家

對酒贈故人

扶起離披菊霜輕喜重開醉中驚老去笑裏覺愁來月
送人無盡風吹浪不回感時將有寄詩思澀難裁

同李吏部伏日口號呈元庶子路中丞

火炎逢六月金伏過三庚幾度衣裳汗

一作落

誰家枕簟

清頌冰無下位裁扇有高名吏部還開甕殷勤二客情

一作
卿

嶺下卧疾寄劉長卿員外

唯有貧兼病能令親愛疎歲時供放逐身世付空虛脛
弱秋添絮頭風曉廢梳波瀾喧衆口藜藿靜吾廬喪馬
思開卦占鵲嬾發書十年江海隔離恨子知予

戲題諸判官廳壁

六十老翁無

一作何

所取二三君子不相遺願留今日交

歡意直到臚官謝病時

酬兵部李侍郎晚過東廳之作

時自刑部侍郎拜祭酒之任

酒禮慙先祭刑書已曠官詔馳黃紙速身在絳紗安聖
位登堂靜生徒跪席寒庭槐暫搖落幸為入春看

昭德皇后挽歌詞

西汜馳暉過東園別路長歲華唯隴栢春事罷公桑龜

北開泉戶禽巢閉畫梁更聞哀禮過明詔制心喪

秋日過徐氏園林

回塘分越水古樹積吳煙掃竹催鋪席垂蘿待繫船
鳥窺新罅栗龜上半鼓蓮屢入忘歸地長嗟俗事牽

雙山過信公所居

遙禮前朝塔微聞後夜鐘人間第四祖雲裏一雙峰
積雨封苔徑多年亞石松傳心不傳法誰可繼高蹤

尚書宗兄使過詩以奉獻

洛下交親滿歸閒意有餘翻嫌舊坐宅却駕所一作新懸

車腹飽山僧供頭輕侍婢梳上官唯揖讓半祿代耕鋤
雨散三秋別風傳一字書勝遊如可繼還欲並園廬

抱疾謝李吏部贈訶黎勒葉

一葉生西徼齋來上海查歲時經水府根本別天涯方
士真難見商胡輒自誇此香同異域看色勝仙家茗飲
暫調氣梧丸喜伐邪幸蒙祛老疾深願駐韶華

奉和柳相公中書言懷

運籌時所貴前席禮偏深
羸駕歸貧宅敝冠出禁園
鳳巢方得地牛喘最關心
雅望期三入東山未可尋

客自江南話過亡友朱司議故宅

交臂多相共

一作失

風流憶此人海翻移里巷
書蠹積埃

塵奉佛棲禪久辭官上疏
頻故來分半宅惟是舊交親
酬于侍郎湖南見寄十四韻

桂嶺千崖斷湘流一派通
長沙今賈傳東海舊于公
章甫經殊俗離騷繼雅風
金閨文作字玉匣氣成虹
翰墨

時招一作無侶丹青夙在公一作工主恩留左掖人望積南

宮巧拙循名異浮沈顧位同九遷歸上略三已契愚衷

責謝庭中吏一作禮悲寬塞上翁楚材欣有適燕石愧無

功山曉重嵐外林春苦霧中雪花翻海鶴波影倒江楓

去札頻逢信回帆早挂空避賢方有日非敢愛微躬

朝拜元陵

宮前石馬對中峰雲裏金鋪閉幾重不見露盤迎曉日

唯聞木斧扣寒松

發襄陽後却寄公安人

揮淚送迴人將書報所親
晚年多疾病中路有風塵
王粲頻徵楚君恩許入秦
還同星火去馬上別江春

立春後休沐

心與青春背新年亦掩扉
漸窮無相學惟避不材譏
積病攻難愈銜恩報轉微
定知書課日優詔許辭歸

宿廬山贈白鶴觀劉尊師

蒼蒼五老霧中壇杳杳三山洞裏官
手護崑崙象牙簡

心推霹靂棗枝盤春飛雪粉如一作如毫潤曉漱瓊膏冰

齒寒漸恨流年筋力少惟思露冕事星冠

觀壁畫九想圖

一世榮枯無異同百年哀樂又歸空
夜闌烏鵲相爭處林下真僧在定中

送日本國聘賀使晁巨卿東歸

上才生下國東海是西隣
九譯蕃君使千年聖主臣
野

情偏得禮木性本含真

一作仁

錦帆東風轉金裝照地新

孤城開蜃閣曉日上朱輪早識來朝歲塗山玉帛均

顧著作宅賦詩

幾年江海煙霞秉醉一到京華已覺不嫌羊酪誰能長
守免置脫巾偏招相國逢竹便認吾家各在芸臺閣裏
煩君日日登車

近獲風痺之疾題寄所懷

病夫將已矣無可答君恩衾枕同羈客圖書委外孫久
來從吏道常欲奉空門疾走機先息敬行力漸煩無醫

能却老有變是將魂鳥宿還依伴蓬飄莫問根寓形齊
指馬觀境制心援唯借南榮地清晨暫負暄

奉和常閣老晚秋集賢院即事寄贈徐薛二侍
郎

祕殿掖垣西書樓苑樹齊秋煙凝縹帙曉色上璇題門
接承明近池連太液低疎鐘文馬駐繁葉綵禽栖職美
綸將綽榮深組及珪九霄偏眷顧三事早提攜對案臨
青玉窺書捧紫泥始歡新遇重還一作懷惜舊遊睽左宦

登吳岫分家渡越溪賦中頻歎鵬卜處幾聽鷄望闕應
多戀臨津不用迷柏梁思和曲朝夕候金閨

酬顧況見寄

于越城邊楓葉高

一作落

楚人書裏寄離騷寒江鴻鴈思

儔侶歲歲臨流刷羽毛

歲日作

一作口號

更勞今日春風至枯樹無枝可寄花
覽鏡唯看飄亂髮
臨風誰為駐浮槎

元日觀百僚朝會

萬國賀唐堯清晨會百寮花冠蕭相府繡服霍嫖姚壽
色凝丹檻歡聲徹九霄御鑪分獸炭仙管弄雲韶日照
金觴動風吹玉佩搖都城獻賦者不得共趨朝

再過金陵

玉樹歌終王氣收鴈行高送石城秋江山不管興亡事
一任斜陽伴客愁

寄楊侍御

一作包
何詩

一官何幸得同時十載無媒獨見遺今日不論腰下組
請君看取髭鬚邊絲

御定全唐詩卷二百五

欽定四庫全書薈要卷一萬七千六百十一

集部

御定全唐詩卷二百六

李嘉祐

李嘉祐字從一趙州人天寶七年擢第授秘書正字坐
事謫鄱江令調江陰入為中臺郎上元中出為台州刺
史大歷中復為袁州刺史與嚴維劉長卿冷朝陽諸人
友善為詩麗婉有齊梁風集一卷今編詩二卷

江上曲

江心澹澹芙蓉花江口娥眉獨浣紗可憐應是陽臺女

對坐鷺鷥嬌不語掩面羞看北

一作此

地人回身

一作首

忽

作空山語

一作巫山雨

蒼梧秋色不堪論千載依依帝子魂

君看峰上斑斑竹盡是湘妃泣淚痕

傷吳中

館娃宮中春已歸闔閭城頭鶯已飛復見花開人又老

橫塘寂寂柳依依憶昔吳王在宮闕館娃滿

一作賣

眼看

花發舞袖朝欺陌上春歌聲夜怨江邊月古來人事亦

猶今莫厭清觴與綠琴獨向西山聊一笑白雲芳草自
知心

夜聞江南人家賽神因題即事

南方淫祀

一作祠

古風俗楚謳

一作媼

解

一作能

唱迎神曲鎗

鎗銅鼓蘆葉深寂寂瓊筵江水綠雨過風清洲渚閑椒

漿醉盡迎神還

一作神欲還

帝女凌空下湘岸番君隔浦向

堯山月隱回塘猶自舞一門依倚神之祐韓康靈

一作賣

藥不復求扁鵲醫方曾莫覩逐客臨江空自悲月明流

水無已時聽此迎神送神曲攜觴欲弔屈原祠

古興

十五小家女雙鬟人不如蛾眉暫一見可直千金餘自
從得向蓬萊裏出入金輿乘玉趾梧桐樹上春鴉鳴曉
伴君王猶未起莫道君恩長不休嬈好團扇苦悲秋君
看魏帝鄴都裏惟有銅臺漳水流

雜興

花間昔日黃鸝囀妾向青樓已生怨花落黃鸝不復來

妾老君心亦應變君心比妾心妾意舊來深一別十年
無尺素歸時莫贈路傍金

送韋邕少府歸鍾山

一本題作送韋山人歸鍾山別業

祈門官罷後

一作旗亭
閔書罷

負笈向桃源萬卷長開帙千峰

不閉

一作掩

門綠楊垂野渡

一作徑

黃鳥傍山村念爾能高

枕丹墀會一論

送盧員外往饒州

為郎復典郡錦帳映朱輪露冕隨龍節傳橈得水人早

霜蘆葉變寒雨石榴新莫怪諳風土三年作逐臣

送裴五歸京口

君罷江西日家貧為一官還歸五陵去

一作上

只向遠峰

看暮色催人別秋風待雨寒遙知到三徑唯有菊花殘

送嚴維歸越州

艱難只用武歸向淞河東松雪千山暮林泉一水通鄉

心緣綠草野思看青楓春日

一作好

偏相憶裁書寄剡中

送杜士瞻楚州覲省

風流與才思俱似晉時人
淮月歸心促一作速江花入興

新雲深蒼海暮柳暗白田春
共道官猶小憐君孝養親

送裴宣城上所居

水流過海稀爾去換春衣
淚向檳榔盡身隨鴻雁歸
草思晴後發花怨雨中飛
想到金陵渚酣歌對落暉

留別毘陵諸公

久作涔

一作昨
銓

陽令丹墀忽再還
淒涼辭澤國離亂到鄉

山北固灘

一作潮

聲滿南徐草色閒
知心從此別相憶鬢

毛班

送獨孤拾遺先輩先赴上都

行春日已曉桂檝逐寒煙轉曲遙峰出看濤極浦連入
京當獻賦封事更聞天日月趨黃閣應忘雲海邊

常州韋郎中泛舟見餞

主人馮軾貴送客汎舟稀逼岸隨芳草回橈背落暉映
花雙節駐臨水伯勞飛醉與羣公狎春塘露冕歸

送崔侍御入朝

十年猶執憲萬里獨歸春
舊國逢芳草青雲見故人
潘郎今髮白陶令本家貧
相送臨京口停橈淚滿巾

送岳州司馬弟之任

岳陽天水外念爾一帆過
野墅人煙迴山城雁影多有
時巫峽色終日洞庭波
丞相今為郡應無勞者歌

裴侍御見贈斑竹杖

騷人誇竹杖贈我意何深
萬點湘妃淚三年賈誼心
願持終白首誰道貴黃金
他日歸愚谷偏宜綠綺琴

送張觀

一作勸

歸袁州

羨爾湘東去煙花尚可親綠芳深映鳥

一作馬

遠岫遞迎

人飢狄啼初日殘鶯惜暮春遙憐謝客興佳句又應新

冬夜饒州使堂餞相公五叔赴歙州

丞相過邦牧清絃送羽觴高情同客醉子夜為人長斜
漢初過斗寒雲正護霜新安江自綠明主待惟良

蔣山開善寺

一作崔峒詩

山殿秋雲裏香煙出翠微客尋朝磬至僧背夕陽歸下

界千門在前朝萬事非看心兼送目葭菼自依依

晚發江寧道中呈嚴維

惆悵遙江路蕭條落日過蟬鳴獨樹急鴉向古城多轉
曲隨青嶂因高見白波潘生秋徑草嚴子意如何

句容縣東青陽館作

句曲千峰暮歸人向遠煙風搖近水葉雲護欲晴

一作霜

天夕照留山館秋光落草

一作野

田征途傍斜日一騎獨

翩翩

晚春宴無錫蔡明府

一作長官西亭

茅簷閒寂寂無事覺人和井近時澆園城低下見河興
緣芳草積情向遠峰多別日歸吳地停橈更一過

送王端赴朝

君承明主意日日上丹墀東閣論兵後南宮草奏期人
稀傍何處槐暗入闕時獨遣吳州客平陵結夢思

送王正字山寺讀書

欲究先儒教還過支遁居山

一作簾

堦閒聽法竹逕

一作寺

獨看書向日荷新卷迎秋柳半疎風流有佳句不一作又似帶經鋤

送房明府罷長寧令湖州客舍

君為萬里宰恩及五湖人未滿先求退歸閒不厭貧遠峰晴更近殘柳雨還新要自趨丹陛明年鷄樹親

詠螢

映水光難定凌虛體自輕夜風吹不滅秋露洗還明向燭仍分焰投書更有情猶將流亂影來此傍簷楹

送李中丞楊判官

射策名先著論兵氣自雄能全季布諾不道魯連功流
水蘼葭外諸山睥睨中別君秋日晚回首夕陽空

至七里灘作

遷客投於越臨江淚滿衣獨隨流水遠轉覺故人稀萬
木迎秋序千峰駐晚暉行舟猶未已惆悵暮潮歸

南浦渡口

寂寞橫塘路新篁覆水低東風潮信滿時雨稻稊齊寡

婦共租稅漁人逐鼓鼙慙無卓魯術解印謝黔黎

暮秋遷客增思寄京華

宋玉怨三秋張衡復四愁思鄉雁北至欲一作歎別水東

流倚樹看黃葉逢人訴一作話白頭佳期不可失一作見落

日自登樓

送蘇修往上饒

愛爾無羈束雲山恣意過一身隨遠岫孤櫂任輕波世事關心少漁家寄宿多蘆花泊舟處江月奈人何

題王十九茆堂

滿庭多種藥，入里作山家。
終日能留客，凌寒亦對花。
海鷗過竹嶼，門柳拂江沙。
知爾卑棲意，題詩美白華。

送弘志上人歸湖州

山林唯幽靜，行住不妨禪。
高月穿松迳，殘陽過水田。

一作

泉詩從宿世悟，法為本師傳。
能使南人敬，修持香火緣。

送陸士倫宰義興

陽羨蘭陵近，高城帶水閒。
淺流通野寺，綠茗蓋春山。
長

更多

一作先

愁罷遊人詎肯還知君日清淨無事掩重關

和張舍人中書宿直

漢主留才子春城直紫微對花閨闔靜過竹吏人稀裁
詔催添燭將朝欲更衣玉堂宜歲久且莫厭彤闈

司勳王郎中宅送韋九郎中往濠州

憐爾因同舍看書似外家出關逢落葉傍水見寒花送
遠添秋思將衰戀歲華清淮倍相憶回首莫令賒

晚春送吉校書歸楚州

吉中孚曾為道士

詩人饒楚思淮上及春歸舊浦菱花發

一作待

閒門柳絮

飛高名鄉曲重少事道流稀定向漁家醉殘陽卧釣磯

送嚴二擢第東歸

隳官就賓薦時輩詎爭先盛業推儒行高科獨少年迎
秋見衰葉餘照逐鳴蟬舊里三峰下開門古縣一作道前

送冷朝陽及第東歸江寧

高第由佳句諸生似者稀長安帶酒別建業候潮歸稚
子歡迎擢隣人為掃扉含情過舊浦鷗鳥亦依依

送越州辛法曹之任

但能一官適莫羨五侯尊山色垂

一作同

趨府潮聲自到

門緣塘剡溪路映竹五湖村王謝登臨處依依今尚存
送樊兵曹潭州謁韋大夫

塞鴻歸欲盡北客始辭春零桂雖逢竹湘川少見人江
花鋪淺水山木暗殘春修刺轅門裏多憐爾為親

送杜御史還廣陵

慙君從弱歲

一作冠

顧我比諸昆同事元戎久俱承國士

恩隨鶯過淮水看柳向轅門草色金陵岸思心那可論
送兗州杜別駕之任

停車邀別乘促軫奏胡笳若見楚山暮因愁浙水賒河
堤經淺草村徑歷繁花更有堪悲處梁城春日斜

題裴十六少卿東亭

平津舊東閣深巷見南山卷箔嵐煙潤遮牕竹影閒傾
茶魚落帽戀客不開關斜照窺簾外川禽時往還

同皇甫侍御題薦福寺一公房

虛室獨焚香
林空靜磬長
閒窺數竿竹
老在一繩床
啜茗翻真偈
然燈繼夕陽
人歸遠相送
步履出回廊

送從姪端之東都

虜近人行少
憐君獨出城
故關逢落葉
寒日逐徂征
聞笛添歸思
看山愜野情
皇華今絕少
龍顏也相迎

送王諫議充東都留守判官

時稱謝康樂
別事漢平津
衰柳寒關道
高車左掖臣
背河見北雁
到洛問東人
憶昔遊金谷
相看華髮新

和都官苗員外秋夜省直對雨簡諸知己

多一作久

雨南宮夜仙郎寓

一作上

直時漏長丹鳳闕秋冷

老一作

白雲司

一作詞

螢影侵堦亂鴻聲出苑遲蕭條人吏

散

一作靜

小謝有新詩

送從弟歸河朔

故鄉那可到令弟獨能歸諸將矜旄節何人重布衣空
城流水在荒澤舊村稀秋日平原路蟲鳴桑葉飛

送崔夷甫員外和蕃

君過湟中去尋源未是賒經春逢白草盡日度黃沙雙
節行為伴孤峰到似家和我非用武不學李輕車

春日長安送從弟尉吳縣

春愁能浩蕩送別又如何人向吳臺遠鶯飛漢苑多見
花羞白髮因爾憶滄波好是神仙尉前賢亦未過

元日無衣冠入朝寄皇甫拾遺冉從弟補闕紆
伏奏隨廡使周行外冗員白鬢空受歲丹陛不朝天秉
燭千官去垂簾一室眠羨君青瑣裏並冕入爐煙

和韓郎中楊子津翫雪寄嚴維

雪深楊子岸看柳盡成梅山色潛知近潮聲只聽來夜
禽驚曉散春物受寒催粉署生新興瑤華寄上才

送王牧往吉州謁王使君叔

細草綠汀州王孫耐

一作奈

薄遊年華初冠帶文體舊弓

裘野渡花爭發春塘水亂流使君憐

一作矜

小阮應念倚

門愁

廣陵送林宰

清政過前哲香名達至尊
明通漢家籍重職府公恩
春景生雲物風潮歛雪痕
長吟策羸馬青楚入關門

贈衛南長官赴任

吏曹難茂宰主意念疲人
更事文犀節還過白馬津
雲間辭北闕樹裏出西秦
為報陶明府裁書莫厭貧

自常州還江陰途中作

處處空籬落江村不忍看
無人花色慘多雨鳥聲寒
黃霸初臨郡陶潛未罷一作去
官乘春務征伐誰肯問凋殘

潤州楊別駕宅送蔣九侍御收兵歸揚州

沴一作冷

氣清金虎兵威壯鐵冠揚旌川色暗

一作暝

吹角

水風寒人對輜輶醉花垂

一作看

睥睨殘羹歸丞相閣

一作作

府

空望舊門

一作雕

欄

仲夏江陰官舍寄裴明府

萬室邊江次孤城對海安朝霞晴作雨濕氣晚生寒苔
色侵衣桁潮痕上井欄題詩招茂宰思爾欲辭官

送夏侯審參軍遊江東

袖中多麗句未遣世人聞
醉夜眠江月閒時逐海雲
荻花寒漫漫鷗鳥暮羣羣
若到長沙苑漁家更待君

送袁員外宣慰勸農畢赴洪州使院

聖主臨前殿殷憂遣使臣
氣迎天詔喜恩發土膏春
草色催歸櫂鶯聲為送人
龍沙多道里流水自一作日相親

送侍御史四叔歸朝

淮南頻送別臨水惜殘春
攀折隋宮柳淹留秦地人
含情歸上國論舊見平津
更接天津近餘花映綬新

登楚州城望驛路十餘里山村竹林相次交映
十里山村道千峰櫟樹林霜濃竹枝亞歲晚荻花深草
市多樵客漁家足水禽幽居雖可羨無那子牟心

奉陪韋潤州遊鶴林寺

野寺江城近雙旌五馬過禪心超忍辱梵語問多羅松
竹間僧老雲煙晚日和一作多寒塘歸路轉清磬隔微波

奉酬路五郎中院長新除工部員外見簡

一門同秘省萬里作長城問絹蓮花府揚旗細柳營詞

鋒偏却敵草奏直論兵何幸新詩贈真一作甘輸小謝名

送韋司直西行

此公深
入道門

不恥青袍故尤宜白髮新
心朝玉皇帝貌似紫陽人
湘浦眠銷日桃源醉度春
能文兼證道莊叟是前身

送上官侍御赴黔中

莫向黔中路令人到欲迷
水聲巫峽裏山色夜郎西
樹隔朝雲合猿窺曉月啼
南方饒翠羽知爾飲清溪

送元侍御還荆南幕府

迢遞荊州路山多水又分霜林澹寒日朔

一作故朝

鴈蔽

南雲八座由持節三湘亦置軍自當行直指應不為功

勲

登湓城浦望廬山初晴直省齋敕催赴江陰

西望香爐雪千峰晚色

一作照

新白頭悲作吏黃紙苦

一作

更催人多負登山屐深藏漉酒巾傷心公府內手板日
相親

九日

惆悵重陽日空山野菊新
蕪葭百戰地江海十年人
歎老看衰柳傷秋對白蘋
孤樓聞夕磬塘路向城闌

九日送人

晴景應重陽高臺愴遠鄉
水澄千室倒霧卷四山長
受節人逾老驚寒菊半黃
席前愁此別未別已沾裳

春日淇上作

一作漢口春

淇上

一作水

春風

一作來

漲鴛鴦逐

一作逆

浪飛清明桑葉小

度雨杏花稀衛女紅粧薄
王孫白馬肥相將踏青去不

解惜羅衣

送從叔陽冰祇召赴都

自小從遊慣多由戲笑偏常時矜禮數漸老荷優憐見
主承休命為郎貴晚年伯喈文與篆虛作漢家賢

送友人入湘

聞說湘川路年年苦雨

一作湖水

多猿啼巫峽雨月照洞庭

波窮海人還去孤城雁共過青山不可極來往自蹉跎

送裴員外往江南

公務江南遠，留驪幕下榮。
楓林緣楚塞，水驛到湓城。
岸草知春晚，沙禽好夜驚。
風帆幾度泊，處處暮潮聲。

登秦嶺

南登秦嶺頭，回望始堪愁。
漢闕青門遠，高山藍水流。
三湘遷客去，九陌故人遊。
從此辭鄉淚，雙垂不復收。

送張惟儉秀才入舉

清秀過終童，攜書訪老翁。
以吾為世舊，憐爾繼家風。
淮岸經霜柳，關城帶月鴻。
春歸定得意，花送到東中。

送韋侍御湖南幕府

執憲隨征虜逢秋出故關
雨多愁郢路葉下識衡山地
遠從軍樂兵強分野閑
皇家不易將此去未應還

同皇甫冉赴官留別靈一上人

法許廬山遠詩傳休上人
獨歸雙樹宿靜與百花親
對物一作劫雖留興觀空已悟身
能令折腰客遙賞竹房春

送客遊荊州

草色隨驄馬悠悠共出秦
水傳雲夢曉山接洞庭春
帆

影連三峽猿聲在四隣青門一分首難見杜陵人

與鄭錫遊春

東門垂柳長回首獨心傷日暖臨芳草天晴憶故鄉映
花鶯上下過水蝶悠颺借問同行客今朝淚幾行

故燕國相公輓歌二首

文若為全德留侯是重名論公

一作功

長不宰因病得無

生大夢依禪定高墳共

一作仰

化城自應憐寂滅人世但

傷情

共美持衡日皆言折檻時蜀侯

一作臣

供廟略漢主缺台

司車馬行仍止笳簫咽又悲今年杜陵陌

一作柏

殄瘁百

花遲

故吏部郎中贈給事中韋公挽歌二首

神理今何在斯人竟若斯
顏淵徒有德伯道且無兒
白髮今非老青雲數有奇
誰言夕郎拜翻向夜臺悲

社里東城接松阡北地開
聞笳春色慘執紼故人哀
終日南山對何時渭水回
仁兄與恩舊相望泣泉臺

欽定四庫全書

御定全唐詩
卷二百六

御定全唐詩卷二百六

欽定四庫全書薈要卷一萬七千六百十二

集部

御定全唐詩卷二百七

李嘉祐

和袁郎中破賊後經剡縣山水上太尉

受律仙郎貴長驅下會稽
鳴笳山月曉搖旆野雲低
翦寇人皆賀迴軍馬自嘶
地閒春草綠城靜夜烏啼
破竹清閩嶺看花入剡溪
元戎催獻捷莫道事攀躋

送評事十九叔入秦

白露沾蕙草王孫轉憶歸蔡州新戰罷郢路去人稀謁
帝不辭遠懷親空有違孤舟看落葉平楚逐斜暉北闕
見端冕南臺當繡衣唯余播遷客只伴鷓鴣飛

贈王八衢

一本此下有州字

丹地偏相逐清江若有期腰金才子貴剖竹老人遲桂
楫閒迎客茶甌對說詩渚田分邑里山桂樹呆愚心靜
無華髮人和似古時別君遠山去幽獨更應悲

入睦州分水路憶劉長卿

北闕忭明主南方隨白雲沿洄灘草色應接海鷗羣建
德潮已盡新安江又分回看嚴子瀨朗詠謝安文雨過
暮山碧猿吟秋日曛吳洲不可到刷鬢為思君

奉和杜相公長興新宅即事呈元相公

意有空門樂居無甲第奢經過容法侶雕飾讓侯家隱
樹重簷肅開園一逕斜據梧聽好鳥行藥寄名花夢蝶
留清簾垂貂坐絳紗當山不掩戶映日自傾茶雅望歸
安石深知在叔牙還成吉甫頌贈荅比瑤華

江湖秋思

趨陪禁掖雁行隨
遷向江潭鶴髮垂
素浪遙疑八谿水
清楓忽似萬年枝
蒿南春徧傷魂夢
壺口雲深隔路岐
共望漢朝多霈澤
蒼蠅早晚得先知

送朱

一作宋

中舍游江東

孤城郭外送王孫
越水吳洲共爾論
野寺山邊斜有徑
漁家竹裏半開門
青楓獨映搖前浦
白鷺閒飛過遠村
若到西陵征戰處
不堪秋草自傷魂

送竇拾遺赴朝因寄中書十七弟

竇拾遺叔向其弟竇舒也

自歎未霑黃紙詔
那堪遠送赤墀人
老為僑客偏相戀
素是詩家倍益親
妻兒共載無羈思
鴛鴦同行不負身
憑爾將書通令弟
唯論華髮愧頭巾

自蘇臺至望亭驛人家盡空春物增思悵然有
作因寄從弟舒

南浦菰蔣覆白蘋
東吳黎庶逐黃巾
野棠自發空臨一作

流水江燕初歸
不見人遠岫一作樹
依依如送客
平田渺

渺獨傷春那堪回首長洲苑烽火年年報虜塵

承恩量移宰江邑臨鄱江悵然之作

四年謫宦滯江城未厭門前鄱水清誰言宰邑化黎庶
欲別雲山如弟兄雙鷗為底無心狎白髮從他遠鬢生
惆悵閒眠臨極浦夕陽秋草不勝情

題靈臺縣東山村主人

處處征胡人漸稀山村寥落暮煙微門臨莽蒼經年閉
身逐嫖姚幾日歸貧妻白髮輸殘稅餘寇黃河未解圍

天子如今能用武祇應歲晚息兵機

同皇甫冉登重玄閣

高閣朱欄不厭遊
蒹葭白水遠長洲
孤雲獨鳥川光暮
萬井千山海色秋
清梵林中人轉靜
夕陽城上角偏愁
誰憐一作堪遠作秦吳別
離恨歸心雙淚流

宋州東登望題武陵驛

梁宋人稀鳥自啼
登臚一望倍含悽
白骨半隨河水去
黃雲猶傍郡城低
平陂戰地花空落
舊苑春田草未齊

明主頻移虎符守幾時行縣向黔黎

晚登江樓有懷

獨坐南樓佳興新青山綠水共為隣
爽氣遙分隔浦岫斜光偏照渡江人
心閒鷗鳥時相近事簡魚竿私自親
只憶帝京不可到秋琴一弄欲沾巾

遊徐城河忽見清淮因寄趙八

自緣遲暮憶滄洲翻愛南河濁水流
初過重陽惜殘菊行看舊浦識羣鷗
朝霞映日同歸處暝柳搖風欲別秋

長恨相逢即分首
含情掩淚獨回頭

題遊仙閣白

一作息

公廟

仙冠輕舉竟何之
薜荔緣堦竹映祠
甲子不知風馭日
朝昏唯見雨來時
霓旌翠蓋終難遇
流水青山空所思
逐客自憐雙鬢改
焚香多負白雲期

送鄭正則漢陽迎婦

錦字相催鳥急飛
郎君暫脫老萊衣
遙想雙眉待人畫
行看五馬送潮歸
望夫山上花猶發
新婦江邊鶯未稀

令秩和鳴真可羨此行誰道負春輝

送皇甫冉往安宜

江皋盡日唯煙水君向白田何日歸楚地蒹葭連海迴
隋朝楊柳映堤稀津樓故市無行客山館荒城閉落暉
若問行人與征戰使君雙淚定霑衣

晚發咸陽寄同院遺補

征戰初休草又衰咸陽晚眺淚堪垂去路全無千里客
秋田不見五陵兒秦家故事隨流水漢代高墳對石碑

回首青山獨不語
羨君談笑萬年枝

早秋京口旅泊章侍御寄書相問因以贈之時

七夕

移家避寇逐行舟
厭見南徐江水流
吳越一作地征徭非

舊日秣陵凋弊不宜秋
千家閉戶無砧杵
七夕何人望

斗牛祇有同時驄
馬客偏宜一作題尺牘問窮愁

秋曉一作晚

招隱寺東峰茶宴送內弟閻伯均歸

江州

萬畦新稻倚山村數里深松到寺門幸有香茶留稚子

一作釋子

不堪秋草送王孫煙塵怨別唯愁隔井邑蕭條誰

忍論莫怪臨岐獨垂淚魏舒偏念外家恩

送嚴員外

一作劉長卿詩

春風倚櫂闔閭城水國春寒陰復晴細雨濕衣看不見
閒花落地聽無聲日斜江上孤帆影草綠湖南萬里情
君去若逢相識問青袍今已誤儒生

赴南中留別褚七少府湖上林亭

一作劉長卿詩

種田東郭傍春陂萬事無情把釣絲綠竹放侵行逕裏
青山常對卷簾時紛紛花發門空閉寂寂鶯啼日更遲
從此別君千萬里白雲流水憶佳期

與從弟正字從兄兵曹宴集林園

竹窻松戶有佳期美酒香茶慰所思輔嗣外生還解易
惠連羣從總能詩簷前花落春深後谷裏鶯啼日暮時
去路歸程仍待月垂韁不控馬行遲

酬皇甫十六侍御曾見寄

此公時貶
舒州司馬

自顧衰容累玉除，忽承優詔赴銅魚。
江頭烏避青旄節，城裏人迎露網車。
長沙地近悲才子，古郡山多憶舊廬。
更枉新詩思何苦，離騷愁一作怨處亦無如。

暮春宜陽郡齋愁坐，忽枉劉七侍御新詩，因以

酬答

子規夜夜啼，櫛葉遠道逢春。

一作春來

半是愁芳草，伴人還

易老。落花隨水亦東流，山臨睥睨恒多雨。
地接瀟湘畏及秋，唯羨君為周柱史，手持黃紙到滄洲。

送舍弟

諸謝偏推永嘉守三何獨許水曹郎
老兄鄙思難儔匹
令弟清詞堪比量
疊嶂入雲藏
古寺高秋背月轉
南湘
定知馬上多新句
早寄袁溪當八行

送從弟永任饒州錄事

一官萬里向千溪水宿山行魚浦西
日晚長煙高岸近
天寒積雪遠峰低
蘆花渚裏鴻相叫
苦竹叢邊猿暗啼
聞道慈親倚門待
到時蘭葉正萋萋

送馬將軍奏事畢歸滑州使幕

吳門別後蹈滄州帝里相逢俱白頭
自歎馬卿常帶病還嗟李廣未封侯
棠梨宮裏瞻龍袞細柳營前著豹裘
想到滑臺桑葉落黃河東注荻花秋

聞逝者自驚

亦知死是人間事年老聞之心自疑
黃卷清琴總為累落花流水共添悲
願將從藥看真訣又欲休官就本師
兒女眼前難喜捨彌憐雙鬢漸如絲

傷歙州陳二使君

憐君辭滿

一作病

卧滄洲一旦云亡萬事休慈母斷腸妻

獨泣寒雲慘色水空流江村故老長懷惠山路孤猿亦
共愁寂寞荒墳近漁浦野松孤月即千秋

白田西憶楚州使君弟

山陽郭裏無潮野水自向新橋魚網平鋪荷葉鷺鷥閒
步稻苗秣陵歸人惆悵楚地連山寂寥却憶士龍賓閣

清琴綠竹

一作水

蕭蕭

送陸澧還吳中

一作劉長卿詩

瓜步寒潮送客楊花暮雨霑衣故鄉南望何處秋水連天獨歸

春日憶家

一作春日歸山

自覺勞鄉夢無人見客心空餘庭草色日日伴愁襟

遠寺鐘

疎鐘何處來度竹兼拂水漸逐微風聲

一作歛

依依猶在

耳

白鷺

江南淶水多顧影逗輕波落日秦雲裏山高奈若何

夜宴南陵留別

雪滿前庭月色間主人留客未能還
預愁明日相思處匹馬千山與萬山

題前溪館

兩年謫宦在江西舉目雲山要自迷
今日始知風土異潯陽南去鷓鴣啼

過烏公山寄錢起員外

雨過青山猿叫時，愁人淚點石榴枝。
無端王事還相繫，腸斷蒹葭君不知。

寄王舍人竹樓

傲吏身閒笑五侯，西江取竹起高樓。
南風不用蒲葵扇，紗帽閒眠對水鷗。

韋潤州後亭海榴

江上年年小雪遲，年光獨報海榴知。
寂寂山城風日暖，

謝公含笑向南枝

送崔十一弟歸北京

潘郎美貌謝公詩
銀印花驄年少時
楚地江皋一為別
晉山沙水獨相思

訪韓司空不遇

圖畫風流似長康
文詞體格效陳王
蓬萊對去

一作秦對歸

常晚叢竹

一作雀

閒飛滿夕陽

題道虔上人竹房

詩思禪心共竹閒任他流水向一作人間手持如意高

窻裏斜日沿江千萬山

秋朝木芙蓉

水面芙蓉秋已衰繁條到是著花時
平明露滴垂紅臉似有朝愁暮落悲

袁江口憶王司勳王吏部二郎中起居十七弟
京華不啻三千里客淚如今一萬雙
若個最為相憶處青楓黃竹入袁江

答泉州薛播使君重陽日贈酒

欲強登高無力去
籬邊黃菊為誰開
共知不是潯陽郡
那得王弘送酒來

題張公洞

空山杳杳鸞鳳飛
神仙門戶開翠微
主人白髮雪霞衣
松間留我談玄機

句

水田飛白鷺
夏木嘯黃鸝

李肇稱嘉祐有此句
王右丞取以為七言
今集中無之

白馬撼金珂紛紛侍從多身居驃騎幕家住滹沱河

少年

行詩
式

溪北映初星


海錄
碎事

御定全唐詩卷二百七

謹案卷二百六第十六頁前二行歎老看衰柳刊
本看訛堪據別本改

卷二百七第七頁後六行子規夜夜啼櫓葉刊本
啼訛題據別本改





總校官庶吉士臣張能照

校對官檢討臣王鍾健

謄錄監生臣李青標

欽定四庫全書薈要

集部

御定全唐詩卷二百八十一

詳校實候補通政經歷臣郭祚職



欽定四庫全書薈要卷一萬七千六百十三

集部

御定全唐詩卷二百八

包何

(包何)
何字幼嗣潤州延陵人融之子與弟佶齊名世稱二包登天寶進士第大曆中為起居舍人詩一卷

送泉州李使君之任

一作送李使君赴泉州

傍海昏荒服分符重漢臣雲山百越路市井十洲人
執玉來朝遠還珠入貢頻連年不見雪到處即行春

和孟虔州閒齋即事

古郡鄰江嶺公庭半薜蘿
府寮閒不入山鳥靜偏過
睥睨臨花柳欄干枕芙荷
來秋今欲至君聽兩岐歌

同李郎中淨律院梔子樹

本一作木梔稀難識沙門種
則生葉殊經寫字子為佛稱

名瀘水澆新長燃燈暖更榮
亭亭無別意只是勸修行
同閻伯均宿道士觀有述

南國佳人去不迴
洛陽才子更須媒
綺琴白雪無心弄

羅幌清風到曉開
冉冉修篁依戶牖
迢迢列宿映樓臺
縱令奔月成仙去
且作行雲入夢來

送烏程王明府貶巴江

一片孤帆無四鄰
北風吹過五湖濱
相看盡是江南客
獨有君為嶺外人

同舍弟佶班韋二員外秋苔對之成詠

每看苔蘚色如向
薄書閒幽思纏
芳樹高情寄遠山
雨痕連地綠日色
出林斑却笑興公
賦臨危滑石間

送王汶

一作丈

宰江陰

郡北

一作此郡

乘流去花間竟日行海魚朝滿市江鳥夜喧

城止酒非關病援琴不在聲應緣五斗米數日滯淵明

和苗員外寓直中書

一作和苗員外寓直寄臺中舍弟

朝列稱多士君家有二難貞為臺裏柏芳作省中蘭夜

宿

一作直

分曹濶

一作間

晨

一作朝

趨接武歡每憐雙闕下鴈

序入鴛鴦

闕下芙蓉

一人理國致昇平萬物呈祥助聖明天上河從闕下過
江南花向殿前生慶雲垂蔭開難落湛露為珠滿不傾
更對樂懸張宴處一作筵歌工欲奏採蓮聲

江上田家

近海川原薄人家本自稀黍苗期臘酒霜葉是寒衣市

井誰

一作雖

相識漁樵夜始歸不須騎馬問恐畏

一作是

狎

鷗飛

送韋侍御奉使江嶺諸道催青苗錢

近遠一作近從王事南行處處經手持霜簡白心在夏苗

青迴鴈書應報愁猿夜一作客屢聽因君使絕域方物盡

來庭

和程員外春日東郊即事

郎官休浣憊遲日野老歡娛為有年幾處折花驚蝶夢
數家留葉待蠶眠藤垂宛一作委地縈珠履泉迸侵堦浸

綠錢直到閉關朝謁去鶯聲不散一作語柳含煙

裴端公使院賦得隔簾見春雨

細雨未成霖垂簾但覺陰
唯看上砌濕不遣入簷深度
陳霜簡因風潤綺琴須移
戶外履簷溜夜相侵

相里使君第七男生日

一作生日

娶妻生子復生男獨有君家衆所談
荀氏八龍唯欠一
桓山四鳳已過三
他時幹蠱聲名著今日懸弧宴樂酣
誰道衆賢能繼體須知箇箇出於藍

同諸公尋李方直不遇

聞說到揚州吹簫憶舊遊
人來多不見莫是上迷樓

婺州留別鄧使君

西掖馳名久東陽出守時江山婺女分風月隱侯詩別恨雙溪急留歡五馬遲迴舟映沙嶼未遠剩相思

寄楊侍御

一作包信詩

一官何幸得同時十載無媒獨見遺今日不論腰下組

請君看取鬢邊絲

賦得秤送孟孺卿

願以金秤鎚

一作秤

因君贈別離鉤懸新月吐衡舉衆星

隨掌握須應一作平執錙銖必盡知由來投分審莫放一作

被弄權移

長安曉望寄崔補闕一作司空曙詩

迢遞山河擁帝京參差宮殿接雲平風吹曉漏經長樂
柳帶晴煙出禁城天淨笙歌臨路發日高車馬隔塵行
自憐久滯諸生列未得金閨籍姓名曙詩末句與此異云獨有淺才甘未

達自慚名在魯諸生

御定全唐詩卷二百八

欽定四庫全書
唐詩卷二百九

集部

御定全唐詩卷二百九

賈邕

賈邕天寶九年登進士第詩一首

送蕭穎士

一作夫子

赴東府得路字

劉太真撰序

蕭夫子赴東府門人送者十二人劉太真為之序
云先師微言既絕者千有餘載至夫子而後洵美
無度得夫天和頃東倭之人踰海來賓舉其國俗

願師於夫子弗敢私請表聞於天子夫子辭以疾

而不之從也退然貧居述作萬卷去其浮辭存乎

正言昔左氏失於煩穀梁失於短公羊失於俗而

夫子為其折衷王公交辟拒而不應從官三年始

叅謀於洛京家兄與先鳴者六七人奉壺開筵執

弟子之禮於路左太真以文求進以無聞見舉而

不恡為夫子羞春雲輕陰草色新碧皎皎足馬出

於青門吾徒喟然瞻望不及賦詩仰餞者自相里

造賈邕以下凡十二人皆及門之選也

按序稱賦詩十二人

紀事以鄔載不預會僅得九人之詩所闕者相里造及劉太真詩其一人并姓名亦逸之矣顧士門人可考者自賦詩諸賢外有尹徵王恒盧異盧士式趙匡閻士和柳并及李陽李幼卿皇甫冉陸渭而賈邕之受業在
穎士容樸陽時云

子欲適東周門人盈岐路高標信難仰薄官非始務綿邈千里途裴回四郊暮征車日云遠撫已慙深顧

劉舟

一作冉

劉舟天寶中登進士第詩一首

送蕭穎士

一作夫子

赴東府得適字

大名掩諸古獨斷無不道德遂天下宗官為幕中客
驪山浮雲散灞岸零雨夕請業非遠期圓光再生魄

長孫鑄

長孫鑄天寶十二年登進士第詩一首

送蕭穎士

一作夫子

赴東府得離字

大德詎可擬高梧有長離素懷經綸具昭世猶安卑落
日去關外悠悠隔山坡我心如浮雲千里相追隨

房白

房白天寶中登進士第詩一首

送蕭穎士

一作夫子

赴東府得還字

夫子高世蹟時人不可攀
今予亦云幸謬得承溫顏良
策資入幕遂行從近闕
青春灞亭別此去何時還

元晟

元晟河南府進士詩一首

送蕭穎士

一作夫子

赴東府得引字

吾見夫子德誰云習相近數仞不可窺言味終難盡處
喧慮常澹作吏心亦隱更有嵩少峰東南為勝引

劉太冲

劉太冲彭城人天寶十二年登進士第詩一首

送蕭穎士

一作夫子

赴東府得淺字

吾師繼微言贊述在墳典寸祿聊自資平生宦情鮮透

遲東川

一作周

路春草深復淺日遠夫子門中心曷由展

姚發

姚發天寶十二年登進士第詩一首

送蕭穎士

一作夫子

赴東府得草字

天生良史筆浪跡擅文藻中夏授叅謀東夷願聞道行
軒翫春日餞席藉芳草幸得師季良欣留篋笈寶

鄭愕

鄭愕天寶十二年登進士第詩一首

送蕭穎士

一作夫子

赴東府得往字

斤溪數畝田素心擬長往繫君曲得引使我纓俗網風

塵豈不勞道義成心賞春郊桃李月忍此戒征雨

殷少野

殷少野天寶十二

一作十六

年登進士第詩一首

送蕭穎士

一作夫子

赴東府得散字

官閒幕府下聊以任縱誕文學魯仲尼高標嵇中散出門時雨潤對酒春風暖感激知己恩別離魂欲斷

鄔載

鄔載天寶十二年登進士第詩一首

送蕭穎士

一作夫子

赴東府得君字

策名十二載獨立先斯文

一作雨

來及門者半已昇青

雲青雲宜無姿黃鵠素不羣一辭芸香吏幾歲滄江濱

散職既不羈天聽

一作聰

亦昭聞雖承急賢詔未謁陶唐

一作唐虞

君薄俸還自急此言那足云和風媚東郊時物滋

南薰蕙草正可摘豫章猶未分宗師忽千里使我心氛
氲

御定全唐詩卷二百九